



躑年

今暗晡寒風吹來息把會凍人，天頂个星斗微微仔，偌同姐仔兩個人就坐在農舍个屋簷下，靜靜仔享受寒夜个兩人世界。

其實這下，係打開電視來看，一哪仔都在轉播世界各地个躑年活動。尤其係偌等自家國內，各所在相爭辦躑年，除核請明星來表演以外，最鬧熱个就係打天花炮。各地方打天花炮計較个程度，既經毋係會打出麼个花樣，係計較到佢做得打幾久个時間？

吾姐仔本來就慣序早早去睡目，今暗晡湊佢坐在屋簷下來經驗啊現代人个生活。一年中間偌等也罕得恁夜還吉睡，這下靜下心來就做得聽著對遠遠个所在傳來个歌聲。偌等看等手錶項个針仔，定定仔堅持厥本來个腳步，完全就無受著這下係麼个時節來影響。

大約接近半夜十二點該下，對各方向看過去，滿哪仔都並並磅磅，天頂項个星斗一下仔就暗淡下來啦！過無幾分鐘，光生一時个夜空，黏時就恢復本本个樣仔，頭到个天花炮盡像從來就無放過共樣。就像人世間有麼个風光个好時節，最尾下還係會行轉原來个平靜。姐仔提醒偌，新个一年又開始啦！

偌用電火射一下屋舍四周圍，今暗晡除核歌聲同天花炮以外，同一般日仔个暗晡頭根本就無麼个差別！偌看啊外背个草坪，打露啦！入到間房，偌坐在眠床項，雖然夜既經盡深，毋過偌一息都毋會目睡。偌恁起頭擺自家還細該下，逐年个年三十，偌等幾個兄弟乜會在伙房肚躑年。過去个年代，躑年係在全家人食過團圓年夜飯後，為著遵守大人儕个交代，屋下定著愛有人等等奉公王个時。該下，每一個伙房都有人在掌夜，等到奉公王个時節，伙房項个伯公、叔公帶等大家人在廳下唱喏。同阿公婆拜核喏，偌等就等打紙炮仔、等長輩發紅包，這正係正式个躑年，新个年到咧！

頭擺躑年係舊曆過年，逐伙房叔伯兄弟共下，大家掌夜譚多。今這下現代化過後，後生人較重視新曆過年，毋相毋識个人啁共下看鬧熱，躑年就比較有兜仔商業味緒。哪個正好？其實無麼个好計較个，係在現代兼有傳統个精神，無定著正係過壁个生活方式。

躑年，傳統个方式有厥伙房感情，現代化乜有另外一種鬧熱。毋過斷真講起來，偌恁還係頭擺掌夜个躑年過有兜仔人情味！

作者：陳志寧

☆詞彙學習☆

【躑年】kiam ngianˋ：跨年活動。

【並並磅磅】bin bin bong bong：砰砰作響，形容煙火的爆裂聲。

【打露】daˋ lu：蒙受露水而沾溼。

【奉公王】fung gungˋ vongˋ：農曆新年吉時祭拜神明。

【掌夜】zongˋ ia：值夜。文中指守歲。

【過壁】go biagˋ：比較優秀的意思。